



Na osnovu člana 22 Statuta Brčko distrikta Bosne i Hercegovine (Službeni glasnik Brčko distrikta BiH, broj 2/10 – prečišćeni tekst), Skupština Brčko distrikta BiH, na 68. redovnoj sjednici održanoj 14. oktobra 2020. godine, usvaja

ZAKON

O IZMJENAMA ZAKONA O PLATAMA I DRUGIM NAKNADAMA SUDIJA I TUŽILACA U BRČKO DISTRIKTU BOSNE I HERCEGOVINE

Član 1

U Zakonu o platama i drugim naknadama sudija i tužilaca u Brčko distriktu Bosne i Hercegovine (Službeni glasnik Brčko distrikta Bosne i Hercegovine, br. 1/06, 21/14 i 27/19), član 1 mijenja se i glasi:

„Član 1 (Predmet Zakona)

- (1) Ovim zakonom regulišu se plate, naknade i određena prava sudija i tužilaca u Brčko distriktu Bosne i Hercegovine.
- (2) Sudiji i tužiocu se utvrđuje osnovna plata na mjesečnom nivou.
- (3) Visina osnovne plate utvrđuje se ovim zakonom.
- (4) Plata sudije i tužioca obračunava se u neto i bruto iznosu.
- (5) Plata u neto iznosu je osnovna plata uvećana za dodatak na platu i obračunava se prije oporezivanja.
- (6) Plata u bruto iznosu obuhvata neto platu i doprinose.
- (7) Naknada za pripravnost, dežurstvo, prekovremeni rad, rad u neradne dane, noćni rad i rad u dane državnih praznika obračunava se i isplaćuje kao dodatak na platu.“

Član 2

Član 2 Zakona mijenja se i glasi:

„Član 2

(Osnovna mjesečna plata sudija)

Osnovna mjesečna plata sudija iznosi:

- a) za sudiju Osnovnog suda Brčko distrikta BiH 3.333,33 KM,
- b) za predsjednika odjeljenja Osnovnog suda Brčko distrikta BiH 3.555,56 KM,
- c) za predsjednika Osnovnog suda Brčko distrikta BiH 4.000,00 KM,
- d) za sudiju Apelacionog suda Brčko distrikta BiH 4.000,00 KM,
- e) za predsjednika odjeljenja Apelacionog suda 4.222,22 KM,
- f) za predsjednika Apelacionog suda 4.444,44 KM.“

Član 3

Član 3 Zakona mijenja se i glasi:

„Član 3
(Osnovna mjesečna plata tužilaca)

Osnovna mjesečna plata tužilaca iznosi:

- a) za tužioca Tužilaštva Brčko distrikta BiH 3.333,33 KM,
- b) za zamjenika glavnog tužioca Tužilaštva Brčko distrikta BiH 3.666,67 KM,
- c) za glavnog tužioca Tužilaštva Brčko distrikta BiH 4.333,33 KM.“

Član 4

U članu 7 Zakona stavovi 3 i 4, riječi „Neto“ se brišu.

Član 5
(Stupanje na snagu i primjena)

Ovaj zakon stupa na snagu u roku od osam dana od dana objavljivanja u Službenom glasniku Brčko distrikta Bosne i Hercegovine, a primjenjivat će se od 1. 1. 2021. godine.

Broj: 01-02-1042/20
Brčko, 14. 10. 2020. godine

PREDSJEDNIK
SKUPŠTINE BRČKO DISTRIKTA BIH

Esed Kadrić